

南山人家

野鸦呼长云，细鳞游涧岸。
溪流阅万里，水讯生岩畔。
山根神工凿，千古石凌乱。
何年耕为田，扶犁在坡半。
红瓦青砖屋，四院垂萝蔓。
朝作课妻儿，夜饮逢亲串。
骨肉聚乡井，亦可忘贫贱。
生死南山下，安然无别幻。

忆童年四首

—

曾记村东折杏花，
场西枣熟射林鸦。
谁怜孤单生身母，
垂泪教子怨命差。

二

卷地西风渭水寒，
萧条茅舍孤灯残。
念绝东西八百里，
目断秦岭望巴山。

三

一间茅屋古塬畔，
贫家未敢思想贪。
拾柴割草放学后，
春风野菜续炊烟。

四

天荒食粥竟长穷，
时到三月盆瓮空。
难耐梧桐风雨夜，
残灯犹恋读书声。

山 居

南山人家少，
烟村接坡田。
白云合岭树，
红叶散涧泉。
天寒雁阵早，
地偏居安然。
饮罢山家酒，
细看雨来天。

无 题

小院西风向晚晴，
今非昨是不分明。
南回孤雁鸣寒月，
北去山风动古城。
鱖困泥潭王八舞，
兔亡平野狗狺烹。
泉声绕屋知深浅，
水低山高路不平。

南五台消夏

五台今夏是何心？
才见晴和又见阴；
松针青从云外染，
橡果翠向雨中新。
清磬隐约敲月碎，
流萤参差隔林深。
横卧云间且一醉，
任它凉风吹衣襟。

已卯季秋登秦岭

风吹黄叶日初曛，
一抹红霞掠雁群。
凭高极目秋又尽，
大岭萧瑟锁寒云。

终南山写望

气蒸终南浮数峰，
雨过秦中天地清。
庄稼人喜歌缓缓，
卸犁牛归铃声声。
莽塬代代英豪在，
渭水悠悠王气平。
回首长安真一掬，
几度灞柳送人行。

庚辰仲秋与友人登南山

淡淡轻寒浸南山，
漠漠烟云悬百泉。
飞花已随旧时梦，
丝雨如织秋无边。

岁除即事

阅尽艰难感岁华，
世态书味两失差。
腊雪迎春同赋贺，
喜折寒梅瓶中插。

辛巳年夏末长江中游地区水患

目睹方信水无情，
捲土囊沙不太平。
天为江中降灾难，
人将始终费经营。
挽澜抗洪一召唤，
保坝救灾众应声。
谁让奔流归大海，
长堤敢与蛟龙争。

辛巳夏宿古寺有作

偷闲终南去，
岭北观音山。
清磬响云寺，
苍松隐涧泉。
月明浮云尽，
风静中夜眠。
身处尘嚣外，
得失两开颜。

壬午年孟春与友人
南山下品茗赏花

喜得野山茶，
与友共举杯。
静观花初放，
极目转芳菲。
茶香复四溢，
花气馨心扉。
春风拂面来，
日暮不思归。

春 水

绿波微动水先春，
万物始从雨后新。
缠绵柳丝乱飘絮，
迷眼桃花空惹人。
无数小溪来方迅，
有限狂澜去无痕。
毕竟湘娥弦指妙，
曲终鱼龙化常鳞。

壬午年五月六日临窗
夜读呈杨生荣贤弟^①

飘遥尘海壮心惊，
渭水秦山又古城。
举酒且拜一轮月，
穷经难让众先生。
黄河九曲终万里，
大鸟三年始一鸣。
惭愧杨君能爱我，
夜窗来听读书声。

^① 杨生荣，1965年生，陕西省澄县人，黑龙江商学院毕业。民营企业家

玉 兰

一树仙掌疏密枝，
吹破琼瑶露华滋。
老杆亭亭能自立，
生来不须叶扶持。

壬午春日回杜曲二首

一

廿载故地忆旧游，
往事萦绕寸心浮。
最爱樊川杨柳岸，
等闲消遥在溪头。

二

迷离新绿染柔条，
晴川历历山路遥。
好似江南烟雨中，
一溪春水绕曲桥。